

2 Timoteo

Mamabɔ̃nɔre coyɔ̃yebu Pablo bácu ɔ̃i toivaicɔ̃jeiye báquede yóbocayoca paperayocare Timoteo bácuɔ̃re. Pablo bácu judíovacacu bácuvacari, Jesús ɔ̃i yávaiye méne beorí coyɔ̃icɔ̃jeimɔ̃ marejaquémavɔ̃, coyɔ̃cuɔ̃ ɔ̃i yávaiye méne judíova ámevɔ̃re, judíova ne jɔ̃ abe boje ɔ̃i coyɔ̃iyede. Lucas bácu coyɔ̃rejaquemavɔ̃ Pablo bácuɔ̃i borore Hch 7:57-8:1, 9:1-31, 13:1-28:31, aru Timoteo bácuɔ̃i borore Hch 16:1-3, 17:13-16, 18:5, 19:22, 20:4. Caiye apeyoca doce paiyoca Pablo bácuɔ̃i toivaicɔ̃jeiyoca úre toivacaipɔ̃escu bácuɔ̃re ɔ̃i paperayoca cɔ̃riyocare Majerasɔ̃ Jɔ̃menijicɔ̃i yávaiye mamaene coyɔ̃itucubo jívɔ̃i javede toivaicɔ̃jenejaquemavɔ̃ ɔ̃i toivaicɔ̃jequiyede jipocare diyoca ɔ̃i bɔ̃ojaiyocare. Pablo bácu coyɔ̃rejaquemavɔ̃ úre toivacaipɔ̃escu bácuɔ̃re aipe ɔ̃i toivacaquiye báquede diyocare. Toivaicɔ̃jenejaquemavɔ̃ diyocare ániɔ̃jɔ̃ bácarɔ̃re 64 d.C., ɔ̃i cuede ámeina teivɔ̃re jɔ̃ni jacoĩnami Roma ámicuríĩmaroi, ɔ̃i yaiquíye jipojĩcai. Dinɔ̃mɔ̃re Lucas bácu quécɔ̃i dajocabedejaquemavɔ̃ Pablo bácuɔ̃re (4:11).

Pablo bácu toivaicɔ̃jenejaquemavɔ̃ diyocare ɔ̃i coreóvayiede maume jabova ne boarí jarɔ̃vaquimɔ̃re. Parɔ̃re ɔ̃aiyɔ̃rejaquemavɔ̃ Timoteo bácuɔ̃re ɔ̃i ũmei aru ɔ̃aicɔ̃jenejaquemavɔ̃ aipe ɔ̃aiye jarɔ̃re ɔ̃i mácuɔ̃re (1:3-14, 2:1-13, 3:14-4:2, 5). Jári coreicɔ̃jenejaquemavɔ̃ ɔ̃i mácuɔ̃re apevɔ̃ ne bueiye jáve ámene (1:15-18, 2:14-3:9, 4:3-4). Coyɔ̃rejaquemavɔ̃ aipe vaiye báquede ɔ̃i mácuɔ̃re

(3:10-13, 4:6-8, 14-18). Aru daicōjenejaquemavũ Timoteo bácvre Marcos bácvque ñi yebai ñi cãveque (4:9-13, 21).

*Pablo ñi meaicōjeino Timoteore
(Hch 16.1; 1 Ti 1.2)*

¹ Yũ, Pablo, toivaicōjeivũ apcvre iyoca paperayocare. Yũbu Jesús ñi yávaiye méne beorĩ coyũicōjeimaracacũ. Jũmenijicũ ñbi ji coyũiyede pōevare, ne majinajiyepe ayũ ñ cãre đacũyũre caivũ ina Jesũre jũ aipōevare Jesucristoque jãravũ cũiméjãravũ baquinóre.

² Mũ, Timoteo, yũ meaicōjeivũ mũre, ji ãmũre, jímacũre páyũre. Majeracũ Jũmenijicũ, maje jabocũ Jesucristomaque, mearo đacajacũĩ mũre bojecũbeda ñi me boje. Aru cõmaje ãroje jãjacũĩ mũre. Aru torojũĩ cãre đajacũĩ mũre cãrijimecũva.

*Pablo ñi coyũino pōevare Cristorã
(Hch 16.1; 1 Ti 2.7)*

³ Yũ torojũede jívũ Jũmenijicũre, ji memecaimũre, “Boropatebevũ yũ”, ji arĩ đápiayeqe, nópe jíñecũva mácavũ máre ne ĩre memecaiye báquepedeca. Ji jẽniaiyedeca Jũmenijicũque jãravũre aru ñamine máre ãravũ mũre cainũmũ. ⁴ Āravũ mi oiye báquede. Que baru urred jãiyavũ mũre cojedeca, torojũcũyũ ji baju. ⁵ Ārucũbu yũ mi jũ aiye báquede Jesũre jãve. Mamarũmũre miñeco Loida aru mipaco Eunice máre jũ arejaima Jesũre. Aru jãve majivũ yũ mũre máre jũ ayũre ĩre.

6 Que baru āruicōjeivṁ mure Jūmenijicai jīye báquede bojecubeda jī tūoiyede mure jī parṁáque mi jipoburā, mi ḁaquiyepe ayṁ yópe Jūmenijicai urōpe. 7 Aru Jūmenijicṁ daroibi majare ñai Espíritu Santore. Ƨ jidure ḁabecube majare. Quénora parure ḁaibi majare, maje ũmei memecarājiyepe ayṁ me Jūmenijicare. Ƨre ḁaibi majare Jūmenijicare aru pōevare máre. Aru majide ḁaibi majare maje oaburī coreivṁ maje bajure coreóvaivṁva me.

8 Que baru cṁyebejacṁ mṁ iye maje coyuiyede maje jabocṁ Jesucristorā. Aru cṁyebejacṁ yure máre, bṁoimṁ cṁcureca ũre boje. Quénora yṁvacari ñájiyṁbecṁ āmevṁ jī coyuiye boje Jesús ũi yávaiye méne, mṁ máre ñájiyṁbecṁ cṁbejacṁ mi coyuiye boje Jesús ũi yávaiye méne. Napijacṁ mi ñájiyede Jūmenijicai parṁéque. 9 Jūmenijicṁ meadaibi majare aru cutuibi majare máre, maje meara baju barājiyépe ayṁ. Ƨbenita die boje maja memecabevṁ ũre. Quénora Jūmenijicṁ mearo ḁacaibi majare bojecubeda nópe ũi ḁaiyṁe boje. Javede ijāravṁ búquiye jipocai, Jūmenijicṁ majidejaquemavṁ meadacṁyure majare Jesucristoi ḁacaquiye boje. 10 Aru ñai meadaipōecṁ Jesucristo ũi daiye báquede ijāravṁi, Jūmenijicṁ jādovaimi ũi mearo ḁacaiye bojecubeda majare. Jesucristo āmei vaibéde ḁaibi majare maje yaijuroede. Que baru yaidé ḁainore jidué jaṁbevṁ majare. Aru Jūmenijicṁ jādovaimi maje jṁ aiyede Jesús ũi yávaiye méne cṁvarājivure jāravṁ cūiméjāravṁ baquinóre aru apebaju pojebebajure máre.

11 Yṁvacari Jūmenijicai epeimṁtu, coyucṁyṁ

Jesús ãi yávaiye méne aru buecũyũ pōevare diede máre. Que baru Jesús ãi yávaiye méne beorĩ coyũicōjeimũmu yũ. ¹² Que baru ñájivũ yũ caride bũoimũpe. Ëbenita cũyojarō cũbevũ yũre. Que baru coreóvaivũ yũ ñai Jesucristore, ji jũ aimũre. Aru jãve bíjaroicōjemecũyũme ãi iye ji memecaiye báquede ére cainũmũ. Que majivũ yũ jãve.

¹³ Cainũmũ coyũjacũ mũ iye yávaiyede jãvene cũinátũrũ ji coyũiyere mi jápiaiye báquede. Jũ ajacũ Jesúre. Aru ñjacũ Jũmenijicũre, pōevare máre, mi cũe boje Jesucristoque cũinávũpe.

¹⁴ Jũmenijicũ coyũicōjeimi mũre iye yávaiye méne, apevũ ne oatũvabenajiyere ayũ diede. Ñai Espíritu Santo múque cũcũ cadatecũyũme mũre, me mi coyũquiyere ayũ Jũmenijicũi yávaiye méne.

¹⁵ Mũ coreóvaivũ caivũ ina Jesúre jũ aipōeva Asia ãmicũrijoborōcavũ javede dajocaivũre yũre, aru pũcarã nácaivũ ne ãmiá Figelo aru Hermógenes máre. ¹⁶⁻¹⁷ Ëbenita Onesíforocapũravũ ãi edaiyede Roma ãmicũriĩmaroi, cũiná vore cuquemavũ ñetũbecũva pũ yũre earĩta. Aru obedijãravũ torojũre dáme yũre, cũyojarō cũre dabecũ ji cũede ne bũoimũpe. Que baru cōmaje ãroje jãjacũrĩ maje jabocũ Jesucristo Onesíforo jivũre. ¹⁸ Múvacari coreóvaivũ me aipe Onesíforo ãi cadateiye báquede ñrarō majare, cũrivũ bácaivũre Éfeso ãmicũriĩmaroi. Que baru ãnijãravũ, Jũmenijicũi ñájiovaquijãravũ baquinóre pōevare, ne ãmeina teiye boje, cōmaje ãroje jãjacũrĩ Onesíforore máre.

Jesucristoi churara meacũ
(Mt 10.33; Lc 12.9; 1 P 5.1)

¹ Mũ, jĩmacũreca páyũ, parũre ðajacũ mi baju mi ũmei Jesucristoi mearo ðacaiye boje mũre bojecũbeda. ² Aru iye ji coyũiyede mi jápiainoi obedivũ pðeva ne jápiaiyede bueicðjejacũ mũ ãmũva mearare, mi majĩmarare aru buenĩ majĩdivũre máre, ne buenajiyere ayũ arevũ pðevare máre.

³ Napijacũ yũre ñũje ñájiyede Jesucristore boje yóre churara meacũ ũi ñájiyede napiyere. ⁴ Ðajacũ yóre churarape. Ñai churara ðaibi yóre ũi jabocũ, ũre órejayũ básũ, ũi ırðre. Que baru ã memecayũvacari ũi jabocũre memecaiyũrĩdubebi churara ãmecũre. Quédeca mũ Jesúre memecayũvacari memecabejacũ apecũre mi jabocũre. ⁵ Aru ðajacũ yóre cúyayũre. Nopedeca ñai yajuipðescũ máre eabebi yo ũi yajuino bojede ména, ðabescũ baru yóre yajuipðevare ne cðjeiyere. Quédeca mũ ðayũ baru yóre Jesucristoi ðaicðjeiyere, cãvacũyũmu no bojede. ⁶ Aru ðajacũ yóre jiore máre memeyũre. Ñai memeyũre ãyũre jũe jãvũ caivũ jipocamia die ũi oteiye báque jẽinũmũre ã jie baquiyé, ũi ırarð memeyũre báque boje. Quédeca mũ memecayũ baru Jesucristore ıetũbecũva, cãvacũyũmu mi bojede. ⁷ Me dápiajacũ mũ caiye ji coyũiyede. Mi me dápiarũ diede, maje jabocũ Jesús jápiarĩ eare ðacũyũme mũre caiyede.

⁸ Ārũjacũ mũ ñai Jesucristore, Jũmenijicũ na-covaimũ mácũre yainore jarũvarĩ aru ñai jabocũ David básũ pãramecũre máre. Ēi yávaiye méne coyũyũbu yũ pðevare. ⁹ Aru iye yávaiyede ji coyũiyere boje ñájivũ yũ. Carita arevũ maucũvarivũbu

yure buoiyeta tãumeaque yui ãmeina teivure jëni jacoĩñami jívui ãmeina ðayupe. Æbenita ñame buojabecube buoyupe ðayu Jũmenijicui yávaiye méne. ¹⁰ Que baru napivui yu caiye iye ñájiyede náre boje, ina Jũmenijicui beoimarare, Jesucristo ñi meadaquiyepe ayu náre máre, ne curãjiyepe ayu éque ñi curõ pueno mearo cavarõĩ cainumua.

¹¹ Jãvetamu iye.

Ðabevui maja yópe maje ðaiye báquepe maje ju arãjiye jipocare Jesúre. Que teni yaivui bácvupebu maja Cristoque. Que baru curãjaramu maja éque. ¹² Aru napivubu maja maje ñájiyede. Que baru jabote-najaramu maja éque. Æbenita maje ju abedu ére, ñ máre ju abecuyume majare coapa. ¹³ Aru maje ju abedu ére, écapũravui ðacuyume majare yópe ñi aiye báquepedeca, ðacuyui ina ére ju abevure. Que baru ñi baju, “Que ãmevui”, arĩ buojabebi ñ.

Jãvetamu die.

Мемеірѳесѳ меасѳ
(Jn 10.14; 1 Co 8.3)

¹⁴ Årure ðare ðajacu mu ina bueipõevare iye ji coyuiyede mure. Coreóvare ðajacu náre Jũmenijicui jãinoi, ne jarabenajiyepe ayu ne baju aipe aiyurõre ne yávaicamuaque. Bueipõeva ne jaraiye boje, cubejebu die. Quénora ne jaraiyeque ãmedaðama ina jápiaivure náre. ¹⁵ Méneca ðarĩ jãjacu, cuscuyu Jũmenijicui jãinore ére memecayu ñi ju aimupe. Que teni cuyebecubu mu mi bueiye

boje me Jāmenijicū yāvaiyede. Aru buejacū pōevare yāvaiyede jāvene.

¹⁶ Ūbenita buebejacū iye ijāravūque coyūiyede pueḁabede Jāmenijicūre aru ārūmene māre. Ina nōpe bueivū pūeno āmenape baju nūivūbu na.

¹⁷ Aru ne bueiyeque āmeina ḁaivūbu apevūre nōpe űai ijimū pojeiyeque pūeno āmecū baju űi nūiyepe. Pūcarā nōpe buedama, ne āmiā Himeneo aru Fileto māre. ¹⁸ Ina dajocaḁama ne jū aiye báquede iye yāvaiyede jāvene. Borocurī, yōpe arī,

“Javeta Jāmenijicū nacovaquemavū pōevare yain-ore jarūvarī”, űbenina arī coyūivūbu na. Que teni cārijovaivūbu apevūre, ne arājiyepe aivū, “Majibevū űūja aipe jaurōre űūje jū aiyede”. ¹⁹ Ūbenita űame buojabema oatūvaivū iye Jāmenijicū yāvaiyede jāvene. Que baru űame buojabema bíjare ḁaivū Jāmenijicū ḁaiyede. Jāmenijicū parūre ḁaibi űi pōevare ne űmei. Aru jāḁovaimi diede űi toivaicōjeiye báquede űi yāvaiyede, yōpe arī: “Maje jabocū Jesús majibi ű jinare. Que baru caivū ina aivū, ‘Jesucristobe ji jabocū’, dajocajarāri na ne āmeina teiyede”, arejaquemavū Jāmenijicū.

²⁰ Cūrami űradāmi jívūre jororūa űre cūvū. Apeḁna űruque ḁaidūa aru plataque ḁaidūa māre, űbenita apeḁna jocūque ḁaidūa aru joboque ḁaidūa māre cūvū. Didūāre űruque, plataque māre, ḁaidūa bojecūridūare, űai cūrami upacū epeicōjeűme űi yebai curāḁaivūre. Ūbenita didūāre jocūque aru joboque māre, ḁaidūa bojecūbedūare, epeicōjeűme cūramicavūre. ²¹ Que baru űai pōecū dajocayū baru űi āmeina teiyede, memecacūyme me maje jabocūre. Ūi mearo ḁaiye boje, pōeva

puedarãjarama maje jabocure, nopedeca diduá bojecuriduaque ñai cûrami upacu puedaiyepe ñai ñre jãcudayure. Que teni ñai Jûmenijicure memecayû me, coreibi ñacuyû caino memecaino mearore cainumua. ²² Que baru ñabejacû mû âmenore yóre apevû bojûvû ne ñaiyepe ne baju urõpe. Quénora mearo ñarĩ jãjacû, ñacuyû mearore Jûmenijicû jãinoi cainumua, aru jû acuyû Jesús ñi yávaiye méne, ucuyû Jûmenijicure aru pðevare máre, aru cãrijimecuyû náque, ina jëniaivû maje jabocure, ñi cadatequiyere ayû náre aru curivure ne dápiaino mearoque máre.

²³ Jápiarĩ adabejacû mû apevû ne coyuiyede bojecubede aru ârûmene máre. Nácapûravû me coreóvabevûbu. ðbenita múcapûravû coreóvaivû pðeva yóre coyûivure, jararĩ búrãjivure. ²⁴ ðbenita ñai memecayû Jûmenijicure jaraiye jaubevû ñre apevûque. Quénora caivûque pðescu meacure bajacurĩ. Aru buejacurĩ me. Napijacurĩ jarabescûva pðevaque máre. ²⁵ Que teni buejacurĩ ñuibareca pðescu meacure ina maucûvarivure Jûmenijicû yávaiye méne. Que ñaru, Jûmenijicû náre oatavare ñacuyûme ne dápiainore, ne jû arãjiyepe ayû ñi yávaiyede jãvene. ²⁶ Que teni nácapûravû dupini nûjebu ñai abujuvai jabocure jocarĩ. ðme náre jëñû máscû yóre doriñû jëiyere moare. ði jûjovaiye báque boje, cûvabi náre âmeina teivure, náre ñare ñacuyû ñi urõpe.

3

Aipe pðeva ne ñarãjino bûojaquijãravûa baquiyéde

¹ Coreóvajasu mu iyede. Ānijāravua buojaquijāravua baquiyéde, Cristoi copaidaquijāravu baquinó jipocai, pōeva āmena maiyójare đarājarama apevure. ² Yópe đarājarama na, ina āmena. Ne baju urājarama. Aru jecurājarama tāturare. Dápiarājarama ne baju mearape apevu pueno. Arājarama, “Mearamu űija apevu pueno”. Aru āmeina yávarājarama. Juedova ju abenajarama nébucvai soyiyede. Jibenajarama torojuede. Aru pueđabenajarama Jūmenijicure máre. ³ Jecubenajarama névure. Aru cōmaje āroje jāmenajarama apevure. Yávarājarama borocuede apevui borore. Oarĩ corebenajarama ne baju đaiyuede. Jijecurājarama. Aru űbenajarama caino mearore máre. ⁴ Jēni jínajarama pōevare ne mauvare. Aru đarājarama ārumevure. Dápiarājarama ne baju majidivure caiyede apevu pueno. Jūmenijicui urōpe đabenajarama na. Aru cojubenajarama űre. Quénora đarājarama cojurājivu ne baju yópe ne baju urōpe. ⁵ Apevu pōeva ne jāiyede náre đarājarama yópe ina mearore jivu Jūmenijicure đaiyepe. Ŭbenita Jūmenijicure parure đaicōjemenajarama ne űmene đarājivu yópe űi urōpe.

Dupini űujasu mu nápe paivure jocarĩ. ⁶ Apevu nácvu duibajīeneca ecoicōjene đaivvbu náre apevu ne cāramiai, jujoavarājivu nomiva ārumevure. Ina nomiva, ne dāpiaie āmeque đaiye boje, đaiyurivbu āmenore urarō. ⁷ Cainuma jápiaivbu obedivu pōeva ne bueiye mamaene. Ŭbenita ye bujabema coreóvaivu áde yávaiyede jāvene. ⁸ Yópe ina yaviva bácvu ne āmiá Janes aru Jambres ne

maucuvae báquepe Moisés bácare, nopedeca na máre, ina jujovaivn nomivare, maucvarivn bu iye yávaiyede jávene. Dápiavbu ámenore cainmna. Aru Jūmenijicui jaruvaimaramu na, ne jn abe boje iye yávaiyede jávene. ⁹ Ūbenita obedivn pōeva coreóvarājarama aipe ārojarivure náre. Jārajarama náre ārumevure, yópe ne jāiyepe ina pucarā Moisés bácu mauva mácavure paivure.

*Pablo ai cōjeino yóbocarō baju Timoteore
(Hch 13.14-52; 14.1-20)*

¹⁰⁻¹¹ Ūbenita mūcapūravn coreóvaivn aipe ji bueiye báquede, aru ji daiye báquede, ji daiyue báquede, ji jn aiye báquede Jūmenijicare, ji napiye báquede, ji ue báquede pōevare, aru ji nājiye báquede máre. Mn coreóvaivn aipe ina Antioquia, Iconio, aru Listra āmicrīīmaroacavn ne nājine daiye báquede yure. Ne nājine daiyedeca yure, cainmna napinejacacn yn. Aru maje jabocn Jesucristovacari meadarejame yure cainmna. ¹² Jáve caivn ina meara maiyurivn Jūmenijicui jāinoi curivn Jesucristoque cūinávure nājinajarama na. ¹³ Ūbenita ina pōeva āmena aru ina jujovaivn máre pūeno āmena nūrajarama na. Jujovarājarama arevure. Aru náre máre jujovarājarama pūeno baju.

¹⁴ Ūbenita mūcapūravn dajocabejacn mi jn aiyede caiye iye mi bueiye báquede. Majivn mn jáve diede. Que baru mn coreóvaivn ina mare bueivn bācavure iye yávaiyede jávene. ¹⁵ Aru mn coreóvaivn juedocn cāreja, caride máre, majicare iye Jūmenijicui toivaicōjeiye báquede ai yávaiyede, mi majiquiyepe ayu Jūmenijicn meadacnyure mare, mi jn aiye boje

Jesucristore. ¹⁶ Caiye iye Jāmenijicūi yāvaiyede úvacari toivare ðarejaquemaṽu ina úre toivacaiṽu bācaṽure. Que baru ũi yāvaiye bojecaṽu majare, maje buenajiyeye aiye iye yāvaiyede jāvene, aru maje coreóvarājiyeye aiye maje āmeina teiyede, aru maje oat̃varājiyeye aiye maje ðaiyede, aru maje majinajiyeye aiye aipe ðaiye jaır̃õre, curājiṽu meara Jāmenijicūi jāinore. ¹⁷ Nai Jāmenijicure memecayube nópe ðarĩ me majini, napini coreỹu, ðac̃uỹu caiye méne.

4

¹ Caride majeras̃u Jāmenijic̃u, maje jaboc̃u Jesu-cristomaque, jápiaibi iye ji soỹiyede m̃ure. Jesu-cristo copaidac̃uỹme ijāraṽu. Nājine ðac̃uỹme p̃õeva ar̃ıṽure aru yaiṽu bācaṽure máre, ne āmeina teiye boje. Aru jabotec̃uỹme caiṽu p̃õevare. Que baru par̃ur̃õrec̃a ðaic̃õjeiṽu ỹu m̃ure yópe ji soỹiyere. ² Soỹjac̃u Jesús ũi yāvaiye méne p̃õevare. Me jāri coreni buejac̃u náre caiṽum̃a, ne jápiaiỹru aru ne jápiaiỹbedu máre. Soỹjac̃u m̃u p̃õevare aipe ne āmeina teiyede. Aru ðajo-caic̃õjejac̃u náre diede. Buejac̃u aipe ðaiye jaır̃õre náre máre. Aru buejac̃u napiyeque. ³ Eaquiye bu arejāraṽu āmejāraṽu. Ānijāraṽu baquiyéde p̃õeva jápiabenajarama bueiye méne. Quénora ne baju ır̃õpe vorājarama obediṽu bueip̃õevare, ne buenajiyeye aiṽu náre yópe ne baju jápiaiỹere, ne ðarājiyeye aiṽu āmeina teiyede yópe ne baju ır̃õpe. ⁴ Que teni jápiabenajarama iye bueiyede jāvene. Ubenita jápiarājarama néñec̃uva m̃ac̃aṽu soỹiye báquede. ⁵ Aru par̃ur̃õrec̃a ðaic̃õjeiṽu ỹu m̃ure

cojedeca. Múcapũravu ðaicõjejacu me mi baju, coreónayupe cainamua. Napijacu mi ñájiyede. Aru coyujacu Jesús ñi yávaiye méne pðevare máre. Que teni mi memecaiyede maje jabocu Jesucristore ðajacu caiyede yóre mure ðaiye jaũrðe.

⁶ Aru yúcapũravu joabejĩnotamu ji yaiquíno. Mau-mena yure boarĩ jaruvarãjarama, ji memecaiye boje Jesucristore. ⁷ Iye Jesús ñi yávaiye méne coyuiyede coyivũ yũ oabecuvacari. Que teni ðaivũ yũ yóre ñai cúyayũ apevuque ñi cúyaiyepe oabecuvacari. Aru iye Jũmenijicũi urðe ðaiyede ðaivũ yũ oabecuvacari. Que baru bũojaivũ yũ yóre ñai cúyayũ apevuque ñi cúyarĩ bũojaiyepe tũrvaita. Aru iye maje jũ aiyede Jesucristore dajocabevũ yũ. Quénora jũ aivũ yũ úre cainamua. ⁸ Que baru yóre ñai cúyayũ ñi jacorũiyepedeca ñi cúyaiye bojede eayũ apevu jipocai, yure máre jícuyũme maje jabocu Jesucristo ñi daquijãravũ baquinóre, ji mearo ðaiye báque boje. Aru yũ cũinácũra ãmevu, quénora jícuyũme caivũ ina úre urivũ napini cor-eivure ñi daquijãravũ baquinóre.

Pablo ñi ðaicõjeino Timoteore

(Hch 12.12, 25; 13.13; 15.37-39; 20.4, 6; Ro 2.6; 2 Co 8.23; Gá 2.3; Ef 6.21-22; Col 4.7-8, 10, 14; Tít 1.4; Flm 24)

⁹ Caride meatejacu, jãcudacũyũ maumena ji yebai. ¹⁰ Ñũ Demas dajocame yure ñi ue boje ijãravũquede aru nũamedã Tesalónica ãmicurĩĩmaroi. Crescente nũamedã Galacia ãmicurijoborõi. Aru Tito máre nũamedã Dalmacia ãmicurijoborõi. ¹¹ Ñai Lucas quécũrabe cũcũ yúque caride. Vorĩ davajacu múque Marcure,

ũi coreóvaiye boje cadateiyede ji memeinore.
¹² Jarocacũ yũ Tíquicore Éfeso ãmicarĩĩmaroi. ¹³ Mũ dayũ, davacajacũ yũre ji pñenocacaje cuitótecajede, ji ðajocaino mácarõre Troas ãmicarĩĩmaroi, Carpoi cãrami. Aru davacajacũ ji paperatucuboare aru ji toivaiyocare máre. Ʋvũ yũ iye toivaiyocare pñeno baju.

¹⁴ Ñai Alejandro, tãure memeipõecũ, ðarejame urredõ ãmeno yũre. Maje jabocũ Jesucristo ñájine ðacũyũme úre ãi nópe ðaiye báque boje. ¹⁵ Que teni mávacari máre me jãjacũ úre, ãi maucũvae boje parurõreca maje yávaiye méne.

¹⁶ Mamarũmũre ji nũiye báquede jabova ne ãmeina teivũre jẽniari jãĩñami, coyũcũyũ ji ðaiye báquede ne boro coyũrĩ aðaiye báque boje yũre, põecũ cũbeteame yóvayũ yũre. Quénora caivũ ðajocaima yũre. Jẽniaivũ Jũmenijicũque ãi ãrũmetequiyepe ayũ yo ne ãmeno ðaino mácarõre yũre. ¹⁷ Ʋbenita maje jabocũ Jesucristo cadateame yũre aru parũre ðáme yũre, ji coyũquiyepe ayũ caiye iye ãi yávaiye méne. Aru cainoa joborðacavũ nore cãrivũ báacavũ jápiaima diede. Que teni maje jabocũ Jesucristo meaðame yũre urredõ ãmenore jarũvarĩ, yópe jẽni Ʋyepe põecũre yavide jocarĩ. ¹⁸ Que baru jãve coreóvaivũ yũ maje jabocũ Jesucristo meaðacũyũre yũre cainũmũa. Aru cũre ðacũyũme yũre ãi meaðaimũre ãi jaboteinũmũre cavarõ mearo ãi cũrði. Que baru mearore jínajarevũ úreca cainũmũa, jãðovarajivũ úre meacũ bajure. Quédecabu.

Pablo ãi meaicõjeino Timoteojãre
(Hch 18.2, 18; 19.22; 20.4, 21, 29; Ro 16.23; 2 Ti 1.16-17)

¹⁹ Meajarari Prisca, aru Aquila, aru caiv_u ina Onesíforo ãi cãramicav_u máre. ²⁰ Ñai Erasto mauteamedã Corinto ãmicurĩĩmaroi. Aru ñai Trófimo ijinũre dajocacac_u Mileto ãmicurĩĩmaroi.

²¹ Me ðarĩ jãjac_u, dac_uy_u ji yebai uracoro jipocamia. Eubulo, Pudente, Lino, Claudia, aru caiv_u ajev_u Jesúre j_u aipõeva meaicõjedama mũre.

²² Maje jaboc_u Jesucristovacari cãjacurĩ múque. Aru Jũmenijic_u mearo ðacajacurĩ caiv_u mũjare bojecũbeda ãi me boje. Quénoramu.

Majepacü jūmenijicüi yávaiye mamaene coyūtucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

dbd749ed-4c37-5cd8-b20e-caf1f8ff5885